



রাজশাহী কৃষি উন্নয়ন ব্যংক

প্রধান কার্যালয়, রাজশাহী।

ঋণ ও অগ্রিম বিভাগ-১

সার্কুলার নং-০৭/২০১৭

তারিখ : ৩০.০৮.২০১৭

বিষয় : ড্রাগন ফল ও স্ট্রবেরী চাষের জন্য চলতি পুঁজি ঋণ নীতিমালা।

রাকাবের ঋণ বিতরণ কর্মসূচিতে নতুন নতুন খাত অন্তর্ভুক্ত এবং কৃষি ঋণ বহুমুখীকরণের লক্ষ্যে বাণিজ্যিক ভিত্তিতে ড্রাগন ফল ও স্ট্রবেরী চাষে কৃষকদের উৎসাহিত করার লক্ষ্যে ড্রাগন ফল ও স্ট্রবেরী চাষ সংক্রান্ত ঋণ নিয়মাচার গত ২০.০৭.২০১৭ তারিখে অনুষ্ঠিত পরিচালনা পর্ষদের ৪৫৮তম সভায় অনুমোদন করা হয়। আলোচ্য ঋণ নীতিমালার উল্লেখযোগ্য বৈশিষ্ট্য (Criteria) নিম্নরূপ :

(১) ঋণ কর্মসূচির নাম :

ড্রাগন ফল ও স্ট্রবেরী চাষের জন্য চলতি পুঁজি ঋণ নীতিমালা।

(২) ঋণ কর্মসূচির উদ্দেশ্য :

বাণিজ্যিক ভিত্তিতে ড্রাগন ফল ও স্ট্রবেরী চাষ সম্প্রসারণ।

(৩) ঋণ প্রাপ্তির যোগ্যতা :

ক) ড্রাগন ফল ও স্ট্রবেরী চাষের সাথে যুক্ত আছেন অথবা আগ্রহী এমন উদ্যোক্তাগণ এ ঋণ পাওয়ার যোগ্য হবেন। এক্ষেত্রে মহিলা উদ্যোক্তারা প্রাধিকার পাবেন। নিজস্ব জমির পাশাপাশি লীজকৃত জমিতেও এ ঋণ সুবিধা বিবেচনা করা যাবে। তবে খেলাপী ঋণগ্রহীতাগণ এ ঋণের যোগ্য বিবেচিত হবেন না।

খ) লীজকৃত জমির ক্ষেত্রে নতুন ঋণ প্রস্তাব মূল্যায়নকালে যথাযথ মূল্যমানের নন-জুডিসিয়াল স্ট্যাম্পের উপর সম্পাদিত কমপক্ষে ৫ (পাঁচ) বছর মেয়াদের লীজচুক্তি থাকতে হবে। পরবর্তীতে ঋণটি নবায়ন বা বর্ধিতকরণসহ নবায়নের ক্ষেত্রে লীজচুক্তির মেয়াদ কমপক্ষে ঋণের মেয়াদ পর্যন্ত থাকলেই চলবে।

(৪) বাস্তবায়ন এলাকা :

রাকাবের আওতাধীন এলাকায় এ ঋণ কর্মসূচির মাধ্যমে ঋণ বিতরণ করা যাবে। প্রতিটি শাখার আওতাধীন এলাকার আগ্রহী উদ্যোক্তাগণ ঐ শাখা থেকে এ ঋণ সুবিধা গ্রহণ করতে পারবেন।

(৫) ঋণের আবেদন :

এ ঋণের জন্য বর্তমানে প্রচলিত চলতি পুঁজি ঋণের আবেদন ফরম (এল.এফ-৮) ব্যবহার করতে হবে। অর্ধবছরের যে কোন সময় এ ঋণের জন্য আবেদন করা যাবে। এক্ষেত্রে ঋণ ও অগ্রিম বিভাগ-১ এর ২২.১২.২০১১ তারিখের সার্কুলার নং-১০/২০১১ মোতাবেক প্রতি হাজার টাকা ঋণ আবেদনের জন্য ৫.০০ টাকা হারে মূল্যায়ন ফি গ্রহণ করতে হবে।

(৬) ঋণ প্রস্তাব মূল্যায়ন ও প্রক্রিয়াকরণ :

শাখার মাঠ পর্যায়ে কর্মরত সুপারভাইজার/কর্মকর্তা নির্বিশেষে আলোচ্য ঋণ প্রস্তাব মূল্যায়ন/ প্রক্রিয়াকরণ করতে পারবেন।

(৭) ঋণসীমা নির্ধারণ :

ক) ড্রাগন ফল : এক বিঘা (৩৩ শতাংশ) জমিতে ড্রাগন ফল চাষের জন্য উৎপাদন ব্যয় ২,৩০,০০০/- টাকা, যার বিভাজন নিম্নরূপ :

জমি চাষ	সুষম সার	বীজ/ চারা	সেচ	মাচা/ খুঁটি	কীটনাশক	শ্রমিক/ মজুরি	জমির ভাড়া/লীজ	অন্যান্য	মোট
১,০০০/-	৩৬,১২০/-	১৩,৫০০/-	৭,৫০০/-	৯০,০০০/-	৮,০০০/-	৫৩,৮০০/-	১৮,০০০/-	২,৪৮০/-	২,৩০,০০০/-

খ) স্ট্রবেরী : এক বিঘা (৩৩ শতাংশ) জমিতে স্ট্রবেরী চাষের জন্য উৎপাদন ব্যয় ৮০,০০০/- টাকা, যার বিভাজন নিম্নরূপ :

জমি চাষ	সুষম সার	বীজ/ চারা	সেচ	মাচা/ খুঁটি	কীটনাশক	শ্রমিক/ মজুরি	জমির ভাড়া/লীজ	অন্যান্য	মোট
৩,০০০/-	৭,৪৫০/-	৪০,০০০/-	৩,০০০/-	১,৫০০/-	৩,০০০/-	১০,০০০/-	১০,০০০/-	২,০৫০/-	৮০,০০০/-

প্রাক্কলিত উৎপাদন ব্যয়ের নিরীখে ৭০ : ৩০ ঋণ-ইকুইটি অনুপাতে ঋণের লিমিট (ঋণসীমা) নির্ধারণ করতে হবে।

(৮) ঋণ মঞ্জুরি ক্ষমতা :

এ খাতে ঋণ মঞ্জুরির ক্ষেত্রে নিম্নোক্ত ব্যবসায়িক ক্ষমতা প্রয়োগ করতে হবে :

(লক্ষ টাকায়)

ব্যবস্থাপনা পরিচালক	উপ-ব্যবস্থাপনা পরিচালক/ মহাব্যবস্থাপক (পরিচালন)	মহাব্যবস্থাপক (বিভাগীয় কার্যালয়)	উপ-মহাব্যবস্থাপক (জোনাল কার্যালয় প্রধান)/এলপিও / টাকা শাখা	সহকারী মহাব্যবস্থাপক (জোনাল কার্যালয় প্রধান)	শাখা ব্যবস্থাপক			
					সহকারী মহা-ব্যবস্থাপক	সিনিয়র প্রিন্সিপাল অফিসার	প্রিন্সিপাল অফিসার	সিনিয়র অফিসার/ অফিসার
২০০.০০	৩০.০০	২৫.০০	১২.০০	১২.০০	৪.০০	২.০০	১.০০	০.৫০

(৯) ঋণের জামানত :

ক) চলতি পুঁজি (হাইপো) ঋণের প্রচলিত নিয়ম অনুযায়ী ঋণাৎকের ১.৫০ গুণ কভার করে নিরূপিত মূল্যের সহায়ক জামানত গ্রহণ করতে হবে। জামানত মূল্য নিরূপনের ক্ষেত্রে ঋণ ও অগ্রিম বিভাগ-১ এর ০৫.১১.২০১৩ তারিখের সার্কুলার নং-০৩/২০১৩ এর নির্দেশনা অনুসরণ করতে হবে।

খ) সহায়ক জামানত প্রদানে অসমর্থ উদ্যোক্তার ক্ষেত্রে ৫০,০০০/- (পঞ্চাশ হাজার) টাকা পর্যন্ত ঋণের জন্য সহায়ক জামানতের প্রয়োজন হবে না। এক্ষেত্রে ঋণ খেলাপি নন এবং মঞ্জুরিকৃত ঋণ পরিশোধে সামর্থ্যবান ও ব্যাংকের কাছে গ্রহণযোগ্য ব্যক্তির নিকট থেকে ব্যক্তিগত নিশ্চয়তা (Personal Guarantee) গ্রহণ করতে হবে। তবে একই ব্যক্তির নিকট থেকে একাধিক ঋণের ব্যক্তিগত নিশ্চয়তা গ্রহণ করা যাবে না।

(১০) ঋণের ডকুমেন্টেশন :

চলতি পুঁজি ঋণের প্রচলিত নিয়মে এ ঋণের ডকুমেন্টেশন করতে হবে। ঋণ নবায়ন মঞ্জুরির ক্ষেত্রে ঋণ ও অগ্রিম বিভাগ-১ এর ২৯.০৩.২০১১ তারিখের সার্কুলার নং-০২/২০১১ এবং ০২.০৫.২০১২ তারিখের সার্কুলার লেটার নং-০৪/২০১২ অনুসরণ করতে হবে।

(১১) ঋণ বিতরণ :

মঞ্জুরিকৃত ঋণ নিরূপিত ড্রয়িং পাওয়ারের ভিত্তিতে ৭০ : ৩০ অনুপাতে বিতরণযোগ্য হবে।

(১২) ঋণ পরিশোধসূচি ও সুদের হার :

আলোচ্য ঋণের মেয়াদ হবে মঞ্জুরি/নবায়নের তারিখ থেকে এক বছর। ঋণ আদায় নিশ্চিত করার জন্য ফল বাজারজাতকরণের সাথে সাথেই উদ্যোক্তাকে ঋণ পরিশোধে উদ্বুদ্ধ করতে হবে। এ ঋণের ক্ষেত্রে চলতি পুঁজি ঋণের প্রচলিত সুদ হার (বর্তমানে ১৩%) প্রযোজ্য হবে। ত্রৈমাসিক ভিত্তিতে সুদ আরোপযোগ্য। ঋণগ্রহীতাগণের নিকট থেকে শুধুমাত্র সুদের টাকা আদায় করে লিমিট নবায়ন/বর্ধিতকরণসহ নবায়ন করা যাবে। তবে ঋণটি সন্দেহজনক / মন্দ মানে শ্রেণীকৃত হলে সম্পূর্ণ টাকা আদায় সাপেক্ষে শুধুমাত্র নবায়ন মঞ্জুরি কার্যকর করা যাবে। প্রসঙ্গত উল্লেখ্য, প্রচলিত নিয়মানুযায়ী মঞ্জুরকারী কর্তৃপক্ষের একধাপ নিচের কর্তৃপক্ষ ঋণ নবায়ন করতে পারবেন।

(১৩) পরিদর্শন ও তদারকি :


ঋণের যথার্থতা ও সদ্যবহার নিশ্চিত করার লক্ষ্যে শাখা ব্যবস্থাপক ফলপ্রসূ তদারকির যাবতীয় ব্যবস্থা গ্রহণ করবেন। এছাড়াও শাখা ব্যবস্থাপক ব্যক্তিগতভাবে এ সকল ঋণগ্রহীতার তালিকা ও কন্টাক্ট নম্বর সংরক্ষণ করবেন। এ খাতে বিতরণকৃত ঋণের টাকা কোন অবস্থাতেই শ্রেণীকৃত হতে দেয়া যাবে না।

(১৪) হিসাবায়ন ও রিপোর্টিং : চলতি পুঁজি ঋণ হিসাবের খাত থেকে এ ঋণ বিতরণ করতে হবে। এ খাতে বিতরণকৃত ঋণ চলমান (কৃষি) উপ-খাতে প্রদর্শন করতে হবে। মার্চ কার্যালয়সমূহ বিতরণকৃত ও আদায়কৃত ঋণের তথ্য সাপ্তাহিক/মাসিক ভিত্তিতে প্রধান কার্যালয়ের সংশ্লিষ্ট বিভাগে প্রেরণ করবে।

০২। এ ঋণ কর্মসূচি অবিলম্বে কার্যকর হবে এবং পরবর্তী নির্দেশ না দেয়া পর্যন্ত বলবৎ থাকবে।

০৩। এমতপ্রেক্ষিতে বর্ণিত নীতিমালা অনুসরণপূর্বক সংশ্লিষ্ট সকলকে ড্রাগনফল ও স্ট্রবেরী চাষের ঋণ বিতরণ কর্মসূচি সফলভাবে বাস্তবায়ন করার জন্য পরামর্শ দেয়া হলো।

০৪। এতদবিষয়ে কোন ব্যাখ্যার প্রয়োজন হলে ঋণ ও অগ্রিম বিভাগ-১ এর সাথে যোগাযোগ করা যেতে পারে।



৩০.০৮.২০১৭
(জগন্নাথ ঘোষ)
উপ-মহাব্যবস্থাপক

সূত্র নং- প্রকা/ঋণওঅবি-১/৪৬/২০১৭-২০১৮/১৬৪(৪৪৪)

তারিখ : ৩০.০৮.২০১৭

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরিত হলো :

- ০১। স্টাফ অফিসার, ব্যবস্থাপনা পরিচালক মহোদয়ের সচিবালয়, রাকাব, প্রধান কার্যালয়, রাজশাহী।
- ০২। স্টাফ অফিসার, উপ-ব্যবস্থাপনা পরিচালক মহোদয়ের সচিবালয়, রাকাব, প্রধান কার্যালয়, রাজশাহী।
- ০৩। স্টাফ অফিসার, সকল মহাব্যবস্থাপক মহোদয়ের দপ্তর, রাকাব, প্রধান কার্যালয়, রাজশাহী।
- ০৪। মহাব্যবস্থাপক মহোদয়ের স্টাফ অফিসার, রাকাব বিভাগীয় কার্যালয়, রাজশাহী/রংপুর।
- ০৫। সকল উপ-মহাব্যবস্থাপক/সচিব/বিভাগীয় প্রধান, রাকাব, প্রধান কার্যালয়, রাজশাহী।
- ০৬। অধ্যক্ষ, রাকাব, প্রশিক্ষণ ইনস্টিটিউট, রাজশাহী।
- ০৭। বিভাগীয় নিরীক্ষা কর্মকর্তা, রাকাব, বিভাগীয় নিরীক্ষা কার্যালয়, রাজশাহী/রংপুর।
- ০৮। সকল জোনাল ব্যবস্থাপক, রাজশাহী কৃষি উন্নয়ন ব্যাংক।
- ০৯। উপ-মহাব্যবস্থাপক, রাকাব, ঢাকা শাখা, ঢাকা/ স্থানীয় মুখ্য কার্যালয়, রাজশাহী।
- ১০। প্রকল্প পরিচালক, এসইসিপি, সিপিও, উপশহর, রাজশাহী।
- ১১। সহকারী মহাব্যবস্থাপক, ঝুঁকি ব্যবস্থাপনা ইউনিট, রাকাব, প্রধান কার্যালয়, রাজশাহী।
- ১২। সকল জোনাল নিরীক্ষা কর্মকর্তা, রাজশাহী কৃষি উন্নয়ন ব্যাংক।
- ১৩। সকল শাখা ব্যবস্থাপক, রাজশাহী কৃষি উন্নয়ন ব্যাংক।
- ১৪। অফিস নথি/মহানথি।


৩০.০৮.২০১৭
(মোঃ হুসৈন উদ্দীন)
মুখ্য কর্মকর্তা